

## AGNOTEMAGANTJITJEL

LISTOGOTJG—26 tes. sigôogos  
24 mitjoatjitjg piltói gemnieoltipenis,  
Oilieôm Molsôn, Piel Misel  
natoaganeg oetjiet, Alpet Gonteo, Piel  
Maltan, Tjôtj Aisig, Anli Alseno,  
Tjôn Tômnig, Lemí Sol, Toma Gapliel,  
Sôsep Gaplan, Taniel Tôpi; tôgo  
Mali Ann Pigiel, Mali Lôs Paliô,  
Elisapet (Toma) Aisig, Nastasi  
Malsan, Nastasi Lapôp, Mali Metôt,  
Mali Anselig Aisig, Mali Ann Misel,  
Tjeni Metallig, Elisapet (Tapit)  
Aisig, Mali Lapin, Malpina Sataiô ag  
Malpina Lamgoin.

GESGAPEGIAG—9 tes. tepg.—  
ngotei 15 mitjoatjitjg piltói  
ilatasoltisenig: Louis Maltan, San  
Pelnal, Isag Gaplan, Noel Gonteo,  
Toma Tetam, Lôlan ag Egian Sataiô,  
Anni Maltan, Tjeni Selôm, Nastasi  
Selôm, Pelasi Gaplan, Anselig Gonteo,  
Elisapet Ma'tan, Losil Pigiel listogotjg  
tlei, Aite Selôm, Mali Natali Tetam,  
Sôpi Tetam.

Mao lnog pagapogoatisenisig 80 ag  
oentjg 56. Tjim Sataiô mesgig  
alâmes ignemoaseni ogoitjâ ag  
oitjigitisena. Pigoelgig neogtonemig-  
sitjig igalotjig santeoi gtjiogsoi  
maoiômigtog.

Piel Gaplan enasena mitjoatjitja  
Tomaôga 26 scmningoei tepg. 1910,  
6 tesiponalita tjel agetaig, elp Aniôga  
7 tes. pon. 1911 tapoiponalita tjel  
agetaig.

Eoetjiet gisigo Toma Tetam metoi.  
temtesgoatot 10 tes. tepg. me elising  
ag môgoe getjitmeg ogisi olasin.

Egimosenisig lnog tan tesititj nige,  
26 neogtonemigsitjig, 89 mimatjainog  
tanig gemnieoltitjig ag 27 mitjoatjitjg,  
mao 116; sigon 106 tesipenisig.

ATEMSPILG — 20 apig. — maoi  
ngamasiag mimatjoagen, meta  
oetjoôotjg na eig malsanôgoôm, tôgo  
elt telasiag na ligpenigena, tlia mo

lnim megôtinog; paseg neoigieg ola  
tet, asogôm tesigel pamlila, tes tapo  
agentieoimng nemitoeg alamesa.  
Nigetjig getjigaoegel pegisingep Piel  
Noel Glôt ag oigmatjêl ag nôg  
gesinogoatag pegisingega, gato nige  
lôg oelasit. Lno saginao lmieteo tan  
teli ngaseg pantasig mesgig oalneia.  
NIN ALETJ.

MALIGEOTJG ouanagig—sig. 9  
tes. — olago patliasag pegisingag  
otjiet eimega gesinogôoinola gesigo Noel  
Elni, gis logoatel; sgmgtog tapositjig  
mitjoatjitjg gisi sigentotjig Misel Tjô  
ogoiستjitjel, San Patist teloisit  
oesgitiinditeg 2 tes. apegn.; tôgo Piel  
Elni otostjitjel, Lois teloisit,  
Sag Noel Tjô ogolnigen ag gi-igoisg  
Pelasi Glistôp: ag Plasoei Elni ag  
Matlen Elni na tjanal Sapatis.

Ag gelolg teli pmatoeg ola gesiga  
otjiet elogôana, etasio tjinem elogoet  
glôgigen getantotiegeg.

pit nepg nagoeq ponaneoiimgeg  
Meli Pal teloisitag. Aptj oetjategemg  
15 tes. tjinem nepg na epitag  
oigmatjela neogtetjg gesinogôoagan  
elmalagoititja oposgoninemegeoi,  
Misel Pal teloisitag. Sgmgtog gisigo  
Noel Elni gis gasigipongeg môgoe  
oeleioq: elp Toma Pelnal oigematjel  
aptj môgoe oeleioq nôgog. No nogo  
gagi olôltieg. NIN A. I.

ATEMSPILG — sig. 20 tes. —  
Gisigo gis 13 tes. emietag  
gtjipogtosga; ag mitjoatjitjag nepgag  
16 tes. tepg. ag elmalotag melsignatig;  
elp natel tapositjig nepgig, ag paseg  
neogte oentjigoôm esgoiag tan me  
aptesgasiga. Tan totjio galem  
pôgtamgiag oelôgoi alasotmaieg tesi  
olagoa. Ag etog mtôguitatesnen 15  
tesogonitj tepg. natji pageoitensnen,  
paseg gisigog môgoe getjiamegig.

MELSIGNATIG—sig. 11 tes.—  
Mô lnim sag pegisingog eimeg  
neogtetjiet tjinem tan teli osolisit mset  
gôgoei egetjiton nigantogeia tjel